

Morning Dogri (NSD) National News Bulletin 10-01-2025

आकाशवाणी

- राष्ट्रपति द्रौपदी मुर्मू होर अज्ज भुवनेश्वर च 18में प्रवासी भारतीय दिवस च हिस्सा लैगन। ओह प्रवासी भारतीयेंग ी उंदे टकोहदे योगदान लेई सम्मानित करगन।
- दिल्ली विधानसभा चुनाएं दी अधिसूचना अज्ज जारी कीती जाग।
- भारती नौसेना नै अपने बेड़े च 6मीं पनडुब्बी वाघशीर गी शामिल कीता।
- महाकुंभ 2025 गी निमित्त, आकाशवाणी तरफा कुंभवाणी चैनल अज्ज प्रयागराज च शुरू कीता जाग।
- महिला क्रिकेट च इक दिवसीय अंतर्राष्ट्रीय श्रृंखला दा पैहला मैच अज्ज गुजरात च भारत ते आयरलैंड बश्कार खेड्डेआ जाग।

<><><><><><>

Pravasi Bharatiya Prez

राष्ट्रपति द्रौपदी मुर्मू होर भुवनेश्वर दे जनता मैदान च आयोजित 18में प्रवासी भारती दिवस सम्मेलन च अज्ज शामिल होडन। राष्ट्रपति होर जंदी संज्ञां ओडीशा दी राजधानी पुज्जियां हिआं ते अज्ज ओह 75 मुख्यें थमां इस सम्मेलन च हिस्सा लैने लेई आए दे प्रवासी भारतीयें गी संबोधित करडन। इस मौके पर राष्ट्रपति होर बक्ख-बक्ख खेत्तरें च शानदार जोगदान लेई भारतवंशियें गी प्रवासी भारती सम्मान भेंट करडन। जंदे बुधवार थमां शुरू होए दे त्र'ऊं दिनें दे इस सम्मेलन दा अज्ज खीरी ध्याड़ा ऐ।

<><><><><><>

Delhi Election

दिल्ली विधानसभा चुनां दी अधिसूचना अज्ज जारी कीती जाग। अधिसूचना जारी होने दे कन्नै गै नामांकन प्रक्रिया शुरू होई जाग। 17 जनवरी तगर नामांकन पत्र भरे जांगन। साढ़े संवाददाता नै दस्सेआ ऐ जे 20 जनवरी तगर नामांकन वापस लैता जाई सकदा ऐ।

<><><><><><>

Speaker Birla

लोकसभा अध्यक्ष ओम बिरला होरें आखेआ ऐ जे भारतीय ते स्कॉटिश संसदे गी आर्टिफिशल इंटेलीजेंस दे इस्तेमाल च अपने तर्जुबे थमां सिक्खने दी लोड़ ऐ। बिरला होरें इंग्लैंड, स्कॉटलैंड ते ग्वेर्नस दी अपनी यात्रा दरान स्कॉटलैंड दे प्रथम मंत्री जॉन स्विनी हुंदे कन्नै इक बैठक च एह गल्ल आक्खी। लोकसभा सचिवालय नै इक प्रेस विज्ञप्ति च दस्सेआ जे दौनें नेताएं दौनें मुखें बश्कार सांझा लोकतांत्रिक मुल्लें ते सैहयोग पर चर्चा कीती।

<><><><><><>

MoS ISRO

विज्ञान ते प्रौद्योगिकी सरबंधी राज्य मंत्री डॉ. जितेन्द्र सिंह हुंदी अध्यक्षता च गगनयान मिशन तैहत पृथ्वी दी कक्षा च भारत दे पैहले बिजन माहनू दे मिशन भेजने सनें औंदे प्रमुख अंतरिक्ष अभियानें दी उच्च स्तरीय समीक्षा कीती गई। इस ब8रे भारतीय अंतरिक्ष अनुसंधान संगठन इसरो दे 2 जीएसएलवी मिशन, एलवीएम-3 दा वाणिज्यिक प्रक्षेपण ते अमरीकी अंतरिक्ष संगठन नासा ते इसरो दा सांझा अभियान सिंथेटिक अपरेचर रडार-एनआईएसएआर उपग्रह दा प्रक्षेपण तैह ऐ। समीक्षा बैठक च इसरो दे निर्वतमान अध्यक्ष डॉ. एस. सोमनाथ, चंदी थाहर आए दे डॉ. वी.नारायणान ते होर दुए वरिष्ठ अधिकारी शामिल होए। इस मौके डॉ. सिंह होरें नमिएं काह्डें गी बढ़ावा देने ते भारतगी अंतरिक्ष अभियानें च प्रमुख राष्ट्र दे तौर पर अगे बधाने दे इसरो दे जतनें दी सराहना कीती।

<><><><><><>

Viksit Bharat Young Leaders

विकसित भारत युवा नेताएं संवाद 2025 अज्जै थमां नमीं दिल्ली दे भारत मंडपम च शुरू होग। युवा मामले ते खेड्ड मंत्रालय नै आखेआ ऐ जे त्रै दिन दे इस कार्यक्रम दा मकसद युवाएं गी विकसित भारत आस्तै नमिएं काह्डें आले हल पेश करने आस्तै इक मंच प्रदान करना ऐ। एह युवा नेताएं गी मुख्य दे भविष्य गी आकार देने च अपने बचारे दा योगदान दिंदे होई नीति निर्माताएं, राष्ट्रीय ते वैश्विक हस्तिएं कन्नै सिद्धे सिद्धे जुड़ने दा मौका प्रदान करोग।

<><><><><><>

Indian Navy

मुंबई आधारित माजगॉन डाक शिपबिल्डर लिमिटेड नै परियोजना पी-75 दी 6मीं स्कोरपेन पनडुब्बी वाघशीर भारती नौसेना गी सौंपी। अधिकारिक ब्यान दे मताबक स्कोरपेन च इस्तेमाल नमीं तकनीक बेहतरिन कारकरदगी ते थेआरें दी मदद कन्नै सटीक नशाना लाने दी क्षमता रखदी ऐ। वाघशीर केइं तरीकें दे मिशनें गी तोड़ चाढ़ने दी काबलियत रखदी ऐ, जियां खुफिया जानकारी जुटाना, क्षेत्र दी कड़ी निगरानी रखना, पनडुब्बिएं दी लड़ाई गी रोकना, दुश्मनं दी पनडुब्बिणं दा पता लाइयै उनेंगी नश्ट करना बगैरा।

<><><><><><>

PM Genome

प्रधानमंत्री नरेन्द्र मोदी होरें आखेआ ऐ जे पूरी दुनिया बक्ख-बक्ख वैश्विक समस्याएं दे हल आस्तै भारत आली भेठा दिक्खा'रदी ऐ। कल संजा नमीं दिल्ली च जीनोमिक्स डाटा कन्कलेव लेई इक वीडियो सनेए च मोदी होरें आखेआ जे जीनोम इंडिया प्रोजेक्ट मुल्खें च लैव प्रौद्योगिकी आले परिदृश्य गी परिभाषित करदा ऐ। प्रधानमंत्री होरें आखेआ जे जैव अर्थबवस्था लगातार ते टिकारु विकास गी आधार दिंदी ऐ ते पिछले 10एं ब'रें च मुल्ख दी जैव अर्थबवस्था च महत्वपूर्ण बाढ़ा होआ ऐ। उनें आखेआ 10 बिलियन डॉलरें थमां बधियै 150 बिलियन डॉलरें दी होइ गेई ऐ।

<><><><><><>

Mahakumbh

महाकुंभ 2025 इस महीने दी 13 तरीक कोला लेइयै अगले महीने दी 26 तरीक तोड़ी प्रयागराज उत्तर प्रदेश च लगोग। इस महाकुंभ दी शुरूआत पौष पुर्णिमा दे मौके पवित्र स्नान कन्नै होग। महाशिवरात्रि दे घ्याड़े खीरी अमृत स्नान कन्नै गै महाकुंभ सम्पन्न होइ जाग। महाकुंभ 2025 गी निमित्त आकाशवाणी दा कुंभवाणी चैनल अज्ज प्रयागराज उत्तर प्रदेश च शुरू कीता जाग। उत्तर प्रदेश दे मुख्यमंत्री योगी आदित्यनाथ होर चैनल दा शुभारंभ करगंन। सूचना ते प्रसारण राज्य मंत्री डॉ. एल.मुरुगन होर वर्चुअल ढंगै नै कार्यक्रम च शामिल होंगन। इस कार्यक्रम दे दरान कुंभ मंगल धुन दा बी शुरूआत मुख्यमंत्री हुंदे तरफा कीती जाग। कुंभवाणी चैनल अज्ज थमां लेइयै 26 फरवरी तोड़ी महाकुंभ दी हर गतिविधि पर आधारित केई कार्यक्रम प्रसारत करोग। एह कार्यक्रम बउलै 5 बज्जियै 55 मिंटे कोला लेइयै रातीं 10 बज्जियै 5 मिंट तोड़ी प्रसारित कीते जांगन।

आकाशवाणी दे कुंभवाणी चैनल जरिचयै अमृत स्नान दी लाइव कमेंटरी बी प्रसारत कीती जाग। इस कार्यक्रम गी 103.5 मैगा हर्ट्स फ्रिक्वेन्सी पर न्यूज एयर ऐपत वेप्स ओटीटी पर सुनेआ जाई सकदा ऐ। कल मीडिया गी जानकारी दिंदे होई उत्तर प्रदेश दे मुख्यमंत्री योगी आदित्यनाथ होरें आखेआ जे 40 करोड़ श्रद्धालुएं दे इस महाकुंभ च पुज्जने दी मेद कन्नै तकरीबन 2 लक्ख करोड़ रुपे दे आर्थिक लाह होग।

<><><><><><>

UN Economy

यूएन दी फ्लैगशिप हेठ आर्थिक रिपोर्ट च भारती अर्थबवस्था गी 2025 च 6.6 फीसदी बधने दी मेद जताई ऐ जेहूदे पैहने 2024 च 6.9 फीसदी दा इजाफा होआ ऐ, जेहदा मुख्य कारण निजी खपत ते निवेश ऐ। यूएन विश्व आर्थिक स्थिति ते प्रासपेक्ट 2025 दी रिपोर्ट कल रिलीज होई जेहूदे च भारत दी सेवाएं च मजबूत आयात बधदा ते किश तैआर कीते गेदे उत्पादें कारण आर्थिक विकास गी मजबूती मिली ऐ।

<><><><><><>

Women Crickey

महिला क्रिकेट च त्रै इक दिवसीय श्रृंखला दे पैहले मैच च भारत ते आयरलैंड बश्कार अज्ज सौराष्ट्र क्रिकेट एसोसिएशन स्टेडियम राजकोट गुजरात च आमने सामने होंगन। एह मैच बडलै 11 बजे शुरू होग, एह भारत दी आयरलैंड खिलाफ 2006 मगरा पैहली दपक्खी महिला इक दिवसीय अंतर्राष्ट्रीय श्रृंखला होग।

<><><><><><>